

庶物類纂

自一
至二

容

第百廿六函

庫文官政太	
特別	和書門
一	二
三	六
二	號
第	五十四番函
四	六
五	册
架	

内閣文庫	
番號	和 32362
冊數	465(326)
函號	特 54 1




A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak







庶物類纂

卷之一

瓶
總

卷之二

壺

卷之三

壺

蒲
壺

菑
壺

庶物類纂

瓶屬
總目

卷之四

懸瓠

苦瓠

瓠

扁蒲

卷之五

冬瓜

南瓜

番南瓜

卷之六

越瓜

菜瓜

黃瓜

絲瓜

卷之七

生瓜

倭瓜

北瓜

石瓜

番瓜

枕瓜

龍肝瓜

早青瓜

雪瓜

卷之八

握青瓜

奇瓜

括萼

土瓜

廣東瓜


地黃瓜

金鵝蛋

馬酸兒


異瓜


總計三十二種




庶物類纂蕨屬卷之一目次

蕨





蔬



瓜

瓜曰華之桃曰膽之棗李曰囊之攄黎曰鑽之爾雅

胡化切囊音帝鑽子官切

皆啖食治擇之名攄似梨而酢澀見禮記爾雅郭璞

種瓜廣雅曰土芝瓜也其子謂之瓢然瓜有龍肝虎

也張孟陽瓜賦曰羊散瓠子市江廣志曰瓜之出

以遠東盧江燉煌之種為美有為瓜綠瓜狸頭瓜所

舊陽賊御瓜有香登瓜瓜州大瓜大如斛出涼州狀

尺餘蜀地温食瓜至冬熟有春白瓜細小辦宜藏


黃黑史記曰邵平者故秦東陵侯秦破為布衣家貧

種瓜於長安城東瓜美故世謂之東陵瓜從邵平始

漢書地理志曰燉煌古瓜州地有美瓜王逸瓜盛日
落疏之文永嘉記曰永嘉瓜八月熟至十一月肉
青赤香甜清快眾瓜之勝廣州記曰瓜冬熟號為金
釵瓜說文曰紫小瓜也陸機瓜賦曰括樓定桃黃
瓜白傳金釵密箭小青大斑玄肅素腕狸首虎蹠東
陵出於秦谷桂髓起於巫山也○後魏賈思勰齊民
要術○津

收瓜子法常歲歲先取本母子瓜截去兩頭止取中
央子本母子者瓜生數葉便結子子復早熟用中葉
足然後結子子亦晚熟種早子熟速而瓜小種晚子
熟遲而瓜大去兩頭者近蒂子瓜曲而細近頭子瓜
短而啾凡瓜落疏青黑者為美黃白及斑雖大而
惡若種苦瓜子雖爛熟氣香其味猶苦也○同上
又收瓜子法食瓜時美者收即細糠拌之日良田

小豆底佳黍底次之刈訖即耕頭頭轉之二月上旬
種者為上時三月上旬為中時四月上旬為下時五
月六月上旬可種藏瓜凡種法先以水淨淘瓜子以
鹽和之鹽和則不能死先外鋤耨却燥土不耨者坑雖深大
然後培坑大如斗口納瓜子四枚大豆三箇於堆
旁向陽中諺曰種瓜瓜生數葉掐去豆瓜能獨生故須
大豆為之起土瓜生不去豆則豆及扇瓜不得滋茂
但豆斷汁出更成良潤勿拔之拔之則土虛燥也
多鋤則饒子不鋤則無實五穀蔬菜果蔬五六月種
晚瓜上同



治瓜籠法 旦起露未解以杖舉瓜蔓散灰於根下後
上 一兩日復以土培其根則迥無虫矣 ○同

又種瓜法 依法種之 於良美地中先種晚禾 晚禾

賦 熟則刈取穗欲令方未 長秋耕之耕法弭縛犁

耳起規逆耕耳弭則禾拔頭出而不沒矣至春德復

順耕亦弭縛犁耳翻之還令草頭出耕訖勞之令甚

平種植穀時種之種法使行陣直兩行微相近兩行

外相遠中間通步道外還兩行相近如是作次第

徑四小道通一車道凡一頃地中須開十字大巷通

兩乘車來去運輦其瓜都聚在十字巷中瓜生比至

初花必須三四遍熟鋤勿令有草生草生覆瓜無子

鋤法皆起禾菱令直豎其瓜蔓本底皆令上下四廂

高微雨時得停水瓜引蔓皆泐菱上菱多則瓜多菱

少則瓜少菱多則蔓廣蔓廣則歧多歧多則饒子其

瓜會是歧頭而生無歧而花者皆是浪花終無瓜矣

故令蔓生在菱上瓜懸在下 上同

摘瓜法在步道上引手而取勿聽浪人踏瓜蔓及翻

覆之 踏則莖破翻則成細皆 若無菱而種瓜者地雖

美好正得長苗直引無多繁歧故瓜少子若無發處
 豎乾柴亦得凡乾柴草不妨滋茂凡瓜所以早爛者皆由腳躡
 及摘時不慎翻動其蔓故也若以理慎護及至霜下
 葉乾子乃盡矣但依此法則不必別種早晚及中三輩之瓜同種上
 區種瓜法六月雨後種菜豆八月中犁耨殺之十月
 又一轉即十月終種瓜率兩步為一區坑大如盆口
 深五寸以土壅其畔如菜畦形坑底必令平正以足
 踏之令其保澤以瓜子大豆各十枚遍布坑中瓜中
 兩物為雙籍其起土故也以糞五升覆之亦令均平又以土一斗薄散

糞上復以足微躡之冬月大雪時速併力推雪於坑
 上為大堆至春草生瓜亦生莖葉肥茂異於常者且
 常有潤澤旱亦無害五月瓜便熟其指豆鋤瓜之法
 生則大概指出之一區
 四根即足矣○同上
 又法冬天以瓜子數枚內熟牛糞中凍即拾聚置之
 陰地量地多少以足為限正月地釋即耕逐場布之率方一步
 下一斗糞耕土覆之肥茂早熟雖不及區種亦勝凡
 瓜遠矣凡生糞糞地無勢多於熟糞今地小荒矣有蟻者以牛羊骨帶髓
 者置瓜科左右待蟻附將棄之棄二三則無蟻矣同上

汜勝之曰區種瓜一畝為二十四科區方圓三尺深
五寸一科用一石糞糞與土合和令相半以三斗瓦
甕埋著科中央令甕口上與地平盛水甕中令滿種
瓜甕四面各一子以瓦蓋甕口水或減輒增常令水
滿常以冬至後九十日百日得戊辰日種之又種薤
十根令週迴甕居瓜子外至五月瓜熟薤可拔賣之
與瓜相避又可種小豆於瓜中畝四五升其藿可賣
此法宜平地瓜收畝萬錢同上
崔寔曰種瓜宜用戊辰日二月三日可種瓜十二月

臘時祀多蓮樹瓜田四角去蟲之蟲○同上謂

龍魚河圖曰瓜有兩鼻者殺人同上

以瓜鎮心鄭灼字茂照嘗讀書時大熱以瓜鎮心欲

左傳曰齊侯使連稱管至父戌葵丘瓜時而往曰及


瓜而代

莊子曰朽瓜為魚物之變

賈誼書曰梁大夫宋就為邊縣令與楚鄰界梁楚邊

亭皆種瓜梁亭劬力數灌其瓜美楚人眾而希灌其

瓜惡楚令以梁瓜之美怒因往夜竊搔梁瓜梁覺之



欲往報搔楚瓜宋就曰是構怨之道也乃令人夜往竊為楚灌瓜楚旦往則已灌瓜伺而察之則梁亭為也楚令大悅因具聞楚王楚王乃謝以重幣故梁楚之驩由宋就也

古文奇字曰秦始皇令人種瓜於驪山研谷中溫處瓜實成使人上書曰瓜冬有實有詔下博士諸生說之人人各異則皆使往視之而為伏機諸儒生皆至方相難不決因發機從上填之以土皆壓沒吳越春秋曰吳王夫差為越所敗遁而去得自生之

瓜食之也

博物志曰人以冷水自漬至膠可頓數十枚瓜漬至腰啖轉多至頸可啖百餘枚所漬水又皆作瓜氣瓜味

抱朴子曰五原蔡誕入山而還欺家人云至崑崙山有玉瓜光明洞徹而堅須以玉井水洗之便軟而可食

漢武內傳曰武仙山上藥有雲靈瓜四劫不實列仙傳曰漢者南郡偏人居山門仙人從買瓜教之

廣物類彙編

練瓜與附子桂實共藏春花服之一年飛登山入水
聞往來海邊諸洞中仙人博賭瓜黃瓜數千頃令瞑
目乃上方丈山

晉桑虞字子深家園有瓜熟有人踰盜之虞見以園
離多棘刺使人為開道及盜負出見道通知虞使除
之乃送瓜叩頭請罪虞與之以上唐歐陽
詢藝文類聚

春秋運斗樞曰遠雅頌着偈優則李生瓜
史記曰邵平者故秦東陵侯秦破為布衣負種瓜長
安城東瓜美故世為東陵瓜

袁山松後漢書曰建和二年河東瓜兩體共蒂

吳錄曰姚翁仲嘗種瓜菜灌園以供衣食時人或餉

一無所受以上太
平御覽

此辨啖食治擇瓜果之名也云瓜曰華之者此為國
君削瓜之禮也華謂半破也降於天子故破而不四
折也亦橫斷之而中以綌也云桃曰膽之者桃多毛
拭治去毛令色青滑如膽也或曰膽之者桃苦如膽
者擇去之云棗李曰囊之者謂治棗李皆去其囊囊
者抵也云櫛梨曰鑽之者恐有蟲故一一鑽看其蟲

瓜類

孔也案鄭註云禮記內則云袒梨不臧者今之所謂
檀子者是也註云見禮記者案曲禮云為天子削瓜
者副之中以締為國君者華之中以綌又內則云棗
曰新之栗曰撰之桃曰膽之担梨曰鑽之鄭註曰皆
治擇之名也文雖小異大意則同宋邢昺
爾雅疏
瓜曰華之桃曰膽之棗李曰實之檀梨曰鑽之華胡
化反半破也膽去毛也實去祗也鑽去心也檀似梨
而酢澀宋鄭夾滌
爾雅註
果中子繁者惟夏瓜冬瓜石榴故嗜果者目瓜為百

子瓮宋陶穀
清異錄

吳越稱雪上瓜錢氏子弟避暑取一瓜各言子之的
數言定剖觀負者張宴謂之瓜戰同上
瓜最盛者無踰齊趙車擔列市道路濃香故彼人云
未至舌交先以鼻選同上
瓜得白梅爛宋蘇軾物
類相感志
襄邑義塘村出一種瓜大者如拳破之色如黛味甘
如蜜餘瓜莫及頃歲貢之以其子時他處即變而稍
大味亦減矣宋張邦基
墨莊漫錄

瓜類 瓜 九

瓜之為品見於詩著於二禮如七月食瓜八月剝瓜為天子削瓜委人掌瓜瓠其來尚矣為品不一各以

時而熟事林廣記

說文曰瓠瓠也草木皆自豎立唯瓜瓠之屬卧而不

起似若嬾人常卧室故序从音眠夷花木鳥獸珍玩考

天有北南極如瓜果有前後蒂尖天分十二宮如瓜

果分十二瓣其近極處度狹而當天腰處度濶如瓜

果之瓣其近蒂尖者狹而當腰者寬也明劉定之劉氏雜志續

郭說

花瓜西瓜番瓜七夕乞巧而陳瓜又刻鏤成花名曰

花瓜蓋織女星主瓜果故洪邁老圃賦織女耀而瓜

薦又有瓠瓜星羊駭兔頭龍蹄獸掌桂髓蜜甯小青

大斑皆瓜名也又有綠沉瓜梁武帝西園食綠沉瓜

見南史邵陽令胡嶠於回紇得瓜種以牛糞結實大

如斗味甘名曰西瓜見陷盧記按西戎地漢之燉煌

郡唐置瓜州瓜大如斛因瓜以名州也豈五代時方

入中國邪文選浮甘瓜于清泉杜詩瓜嚼水晶寒非

西瓜莫可當也今有五色紅瓜尚名曰番瓜但可烹

食非西瓜種也明曰藝術
雷青日札

陽坡瓜產直隸宣城縣水東山之場其地為朝旭所

照故號為陽坡瓜味極甘美他處皆不及杜少陵詩

陽坡好種瓜明李東璧
食物本草

小瓜大如小指長二寸味佳古里○明豫章
羅日聚成賓錄

廣明中巢寇犯闕僖宗幸蜀關中道傍之瓜悉皆萎

死蓋宮嬪多帶麝香所薰遂皆萎落耳闕名負昭雜
錄○說郭

趙世長以宗正卿北使時九月既宴薦瓜主客舉謂

世長曰此方氣候誠早彼想未也世長對曰本朝來

歲季夏此味方盛故知其節物晚也國老
談苑

盤醬瓜茄法黃子一斤瓜一斤鹽四兩將瓜擦原醃

瓜水拌勻醬黃每日盤二次七七四十九日入罈江浦

吳氏中饋
錄○說郭

古俚四時有小瓜如指長一寸許味美晉山馬觀
瀛涯勝覽

格物總論瓜蔬也在地曰蔬數種皆蔓生甜瓜畦種

之葉大數寸實亦徑尺許有稜白者斑斑黃暈黃者

斑斑青暈肉白光潔瓤黃色核如米糝而扁七八月

熟味甜香又一種純青大者徑四五寸長八九寸許

肉亦帶微青色。又一種一握而青耳長亦四五寸名曰握青。此皆所謂瓜果者也。它有所謂刺瓜布瓜稍瓜王瓜是謂瓜菜不在此數。合璧事類

咸通中幻術者不知其姓名於坊曲為戲擊一小兒年十歲已來有刀截下頭卧于地上以頭安置之遂乞錢云活此兒子眾競與之乃叱一聲其兒便走起明日又如此聚人千萬錢多後叱兒不起其人乃謝諸人看云某乍到京國未獲參拜所有高乎在此致此小術不行且望縱之某當拜為師父言訖叱其小

兒不起俄有巡吏執之言汝殺人須赴公府其人曰千萬人中某固難逃竄然某更有異術請且觀之就法亦不晚乃於一函內取一瓜子以刀劃開臂上陷瓜子於其中又設法起其兒子無効斯須露其臂已生一小甜瓜子在臂上乃曰某不欲殺人願高手放斯小兒起實為幸矣復叱之不興其人嗟嘆曰不免殺人也以刀削其甜瓜落喝一聲小兒乃起如故眾中有一僧頭欵然墮地乃收拾戲具并小兒入布囊中結于背上仰而吐氣一道如足練上衝空中忽引

手攀緣而上丈餘而沒遂失所在其僧竟身首異處焉尉遲偓纂中朝故事

瓜星槎勝覽曰皮若荔枝未剖臭如爛蒜剖開如囊

蜜味如酥油香甜可口啞齊物產○明張燮東西洋考

五色瓜吳桓王時會誓生五色瓜令吳中歲貢明唐士登

瓜惡香中尤忌麝唐鄭汪赴河中姬妾百餘盡騎

香氣數里逆于人鼻是歲自京兆至河中所過瓜盡

死一蒂不獲明陳繼儒珍珠船○秘笈

爾雅曰瓠其紹郭註俗呼瓠為紹紹者瓜蔓紹亦著子但小耳孫炎曰詩云

周禮地官曰委人掌畜聚物瓜瓠芋葵

禮記曰為天子削瓜者副之中以締四析之乃橫斷

大夫累之累保也中覆士壹之

庶人斲之不橫斷斲者齧也

又曰仲冬行秋令則天時雨去聲汁瓜瓠不成註雨雪雜下曰

庶物類考

又曰瓜祭上環食中棄所操也上瓜環頭也祭祭先婦人之贄瓜

桃李梅

許慎說文曰瓜象形也辨瓜實也

埤雅曰瓜性惡香尤忌聞麝麝氣觸之乃至一帶不

又

機謹按宋陸佃埤雅不收下有制字象其實在鬚

蔓之間之十一字

大戴禮曰五月乃瓜乃瓜者治瓜之辭也瓜也者始

食瓜八月剝瓜蓄瓜時也

續漢書曰牽牛星荊州謂之河鼓主關梁織女主瓜果

盧諶祭法曰夏祠秋祠皆用瓜

博物志曰人以冷水自漬至膝可頓啜數十枚瓜漬

至腰啖轉多至頸可啖百餘枚所漬水皆作瓜氣瓜

味

太上黃庭經註曰大霍山下有洞臺司命君府也中

有神盤靈瓜食之者至元也

魏文帝與吳質書曰沈甘瓜於清泉

庶物類考

瓜屬

十四

瓜類

毛詩序曰文王之興本由太王也綿綿瓜瓞民之初生自土沮漆此言王化之本也

神仙傳曰葛元冬為客設生棗及生瓜

列仙傳曰谿父者南郡鄱人居山間仙人從買瓜教

之練瓜與附子桂實共藏春花服之廿年能飛登山

入水又服閭海邊諸洞中仙人博賭瓜使擔黃瓜數

千頭令瞑目乃上方丈山

幽明錄曰曹娥父溺死娥見瓜浮得屍

又曰孫鍾富春人與母居至孝篤信種瓜為業或有

三年少來乞瓜為鍾定墓地出門悉化為白鶴孫權祖也

吳志曰步騭避難江南單身窮困種瓜自給

晉書曰桑虞字子深家園有瓜熟有人踰垣盜之虞

見以園籬多棘荆使人為開道及盜負出見道通知

虞使除之乃送所盜瓜叩頭請罪虞與之

又曰劉揮字茂謙從明帝射雉於野渴倦得早春瓜

與上對剖而食之上懷其舊德意所良厚至是一歲

三遷轉御史中丞

後魏書曰郭祚領太子少師肅宗幼弱祚懷一黃瓠

燕勿頭真集卷一

瓜屬

瓜

十五

出奉肅宗時趙桃子深為世宗所信祚私事之人號為桃子僕射黃瓜少師
孝子傳曰焦華父遺常病甚冬中思瓜華夢一人黃冠謂曰吾聞子父病思瓜故送以助子華拜受之及寤瓜在手馨香非常父食而病愈
宋書曰郭原平以種瓜為業大明七年大旱瓜漬不通船縣官劉僧秀愍其貧老開瀆下水與之原平曰天旱百姓俱困豈可減溉田之水以通運瓜之船乃悉從他道往錢塘貨賣

南齊書曰竟陵王子良禮才好士夏月客至為設瓜飲及甘果

梁書曰鄭灼字茂照勵志好學多苦心熱若瓜時輒偃卧以瓜鎮心便起誦讀

又曰王薦母病渴思瓜冬月薦至深嶺值雪忽見巖石間青草離披有二瓜焉摘歸進母渴遂止

後魏書曰楊愔典選多以言貌取人時謗云尚書典選似貧人置瓜惟取大者

北齊書曰蘇瓊為清河太守郡人趙穎致仕在家五

月中得新瓜一雙自來奉瓊因請乃受致之廳事竟
不剖人聞受瓜欲貢新果到門知穎瓜猶在相顧去
後周書曰王羆性儉嘗有客與羆食瓜削瓜膚稍厚
羆意嫌之及瓜皮落地乃引手就地取食之客有愧
色

舊唐書曰杜如晦薨後太宗食瓜愴然思之遂輟其
半使置靈座

又曰高宗四月憶瓜明崇儼索百錢須臾以瓜獻曰
得之緱氏老人園中帝召老人問故曰埋一瓜失之

土中得百錢矣

又曰酷吏王弘義賤時求傍舍瓜不與及為御史騰
言園有白兔縣為集人捕逐畦無遺畝李昭德曰昔
聞蒼鷹獄吏今有白兔御史

續仙傳曰馬湘有道術嘗於江南刺史馬植坐上冬
月以酒杯盛土種瓜須臾引蔓花實食之最美

揮塵錄曰宣和中蔡君安提舉秘書省夏日會館職
於道山食瓜令坐客徵瓜事各疏所意每一條食一
片坐客不敢盡言君安所徵為優校書郎董彥遠連

瓜類

徵數事皆所未聞。坐客咸歎服之。識者謂彥遠必不

能安。後數日果補外。以上淵鑑類函

瓜田納履。君子避之。嗚呼。凡人避嫌者。皆內不足也。

夷齊至清。假使飲盜泉。而亦不易其心。其內若足。則

亦何嫌疑之避之足。云汝益為吾所避乎。不然。何以

生吾庭。裴壽瓜銘。○豐縣志

之頤曰瓜。象形。象實在鬚蔓間也。當曰帶。帶瓜之綴

蔓處也。性偏延。蔓末繁於本。故少延。輒腐。爾雅云。其

紹。紹。疏云。繼本曰紹。形小曰紹。故述本之瓜。嘗小。述

末之瓜。轉大也。凡實之吮。抽水液。唯瓜稱最。而吮抽

之樞。抵當唯蒂而已。是以蒂具。徹下炎上之用。故蒂

味苦。而瓜本甘。以見中樞之別於上下內外。誠涌洩

之宣劑。通劑也。清劉若金本草述

種諸瓜。種以布包。之下。浸以水。上覆以灰。晝迄日夜

置溫所。方甲而種。清皖桐方氏浮山此藏軒物理小識

瓜。○南瓜不結於其根。去地七尺。刀穿入磁片。則結

實。冬瓜蔓於日午。莖帚打之。實多。摘。下。冬瓜見日影

則芽。觸莖帚。風則爛。猫踏之。則沙。切食所餘。糝。灰。不

壞又去瓢而納新菊花封其口久甞如新狀必依所
生之上下置之視灣弓貼肉者為母雷其子種之此
瓜俟其皮上白霜乃美非經霜也葉十去入瓜生後
以土安之則大甜瓜未熟揅鱗魚刺蒂上經宿便熟
瓜倚煮漆瓜死瓠燒穰亦死種諸瓜種以布包之下
浸以水上覆以灰晝近日夜置溫所方甲而種同
包瓜○墨瓜從近蒂刺蓋去瓢覆滴餘水乃以十香
料和麩筋腐乾如粟而仍蓋之縛定投醬坑一月可
取瓜中物食之甚妙此法起于秦州同

瓜大者莫如瓜○投瓜副瓜見于詩禮秦故東陵瓜
美始以味稱謂之瓜果茶瓜實邊饗客為其解渴也
廣志云瓜以遼東廬江燉煌之種為美故燉煌郡有
瓜州廬江今廬州南康九江地南康之瓜殊不佳五
代史載胡嶠為蕭翰掌書記隨翰入骨中契丹破回
紇因得西瓜如中國冬瓜而味甘近世葉子奇又謂
自元征西域○始得西瓜豈誤以契丹作元邪王麟
洲謂洪皓攜歸神仙傳青登瓜大如斗魁玄表丹裏
似西瓜矣魏劉禎瓜賦所云藍皮密理素機丹瓢者

此何物也豈本一物而兩種特嘉乎月令所載王瓜
生今以早熟條瓜有刺者呼之聞尚友云王瓜本生
土中俗稱土豆張秋屋云有二種傳曰田中有瓜淹
之為瓠菜瓜也小而白色曰銀瓜黃曰金瓜條而斑
曰篔瓜微小色黃曰黃瓜架而垂生至尺餘者曰紡
線絲瓜莖蒂生者曰嘉瓜廣志載魚瓜芋核瓜女臂
瓜其類也有花類海棠而實大如桃者曰木瓜可治
腳氣閩中生如葛曰土瓜一名落鵝瓜尔雅菲芴郭
曰芴土瓜也佛伯德也集韻亦作縹詩疏迩之瓜小

瓜類考

如瓜音即說文瓠也廣雅曰菰冬瓜也郭義恭廣
志載瓜名詳矣瑤星以王瓜即今黃瓜言瓜之最首
出者曰王清方以智通雅

瓜七種王瓜俗訛黃瓜冬瓜西瓜稍瓜俗稱香瓜甜
瓜二俱似王瓜形絲瓜南瓜俗稱番瓜俱蔓生惟冬
瓜生良當塗縣志

瓜圓者為西瓜出青陽者佳稍長而深稜者為甜瓜
為香瓜黃者為黃瓜長者為菜瓜土人多入醬為菹
大如枕者為東瓜皮脆而中有絲者為絲瓜蒂可治

無物類考 瓜類 二十

庶物類纂卷之二

痘痘 江陰縣志

菰山氣遇雨輒生最大者不可食 雷州府志

菰出北城底其種出於京藉田故名藉田菰每歲冬

月種之四月晦前進獻其種養甚難成宗初罷之 東國

輿地勝覽

庶物類纂菰屬卷之二目次

壺盧

庶物類纂

菰屬目次

庶物類纂卷二

壺盧

一名瓠瓜、文說 一名匏瓜、語論 一名蔞姑、群芳譜

俗名有虎、州山城 又名有虎、州加賀 又名
法七、州陸奥 又名十涯、州孤虎 藿、州越
孤拉、州陸奥 藿、州越

庶物類纂卷二

蕪屬 壺盧 一

州 又名法客對馬 又名拿曼法客同上

壺盧

庭州灑水以金銀鐵器盛之皆漏唯瓠葉則不漏晉張

華博物志

種瓠法以三月耕良田十畝作區方深一尺以杵築之令可居澤相去一步區種四實蠶屎一斗與土糞合澆之水二升所乾處復澆之著三實以馬箠敲其心勿令蔓延多實後魏賈思勰齊民要術
王筠好弄葫蘆每吟詠則注水於葫頰已復注若擲之於地則詩成矣詩源摺訣○唐馮贇雲仙雜記

蘇物類彙編 卷二 菴屬 壺盧 二

唐世風俗貴重葫蘆醬桃花醋照水油

○同
上

崔豹古今注曰瓠壺蘆也壺瓠之無柄者瓠有柄者懸瓠可作笙曲沃者尤善秋乃可用則漆其裏

又曰瓢瓠也其總曰匏瓠則別名

世說曰陸士衡初入洛認張公所宜曰詣劉道負是其一既往劉尚哀制中性嗜酒禮畢初無他言惟問東吳有長柄壺蘆鄉得種來否陸兄弟殊失望乃云悔去

廣五行記曰西域夷國有石駱駝腹下出水以金鐵

器取便漏下唯匏蘆盛之則不漏飲之令人體滑香淨其國神秘不可數邁

嶺南錄異曰葫蘆笙交趾人多取無柄者瓠割而為

笙上安十三簧吹之音韻清響雅合律呂

以上太平御覽

詩碩人曰齒如瓠犀

又曰八月斷壺瓠

論語曰吾豈匏瓜也哉焉能繫而不食

爾雅曰瓠犀瓣

魏畧曰高辛氏有馬婦人居主官得奇疾醫為挑之

無物類彙編卷二

菰屬 壺蘆

三

得物大如蠶盛以瓠覆以盤化為犬五色因名盤瓠
晉書曰杜預病嬰智計以瓠繫狗之頸每大樹瘿則
斬使白乃題曰杜預頸手盡捕殺之
又曰祖逖在河南百姓感悅嘗置酒大會耆老坐中
流涕曰吾等老矣更得父母死將何恨乃歌曰幸哉
遺黎免俘虜三展既朗遇慈父母酒忌勞其瓠脯何
以求思歌且舞其得人心如此

宋書曰徐文伯會祖熙好黃老隱於秦望山有過客
永飲晉一瓠瓢與之曰君子孫宜以道術救世當行

二千石熙開之乃扁鵲醫經一卷

齊書曰夏彬性好飲酒壺瓢勺皮為者見中十二年
不改易以大瓠為籠什物乃諸詭異自居下田居

機謹按夏彬明陳耀文天中記作卞彬

後周書曰強練師不知何許人所至之處人皆敬而
信之乃大言曰瓠破子苦未幾而護誅諸子並伏法
管子曰一年之計莫在樹穀十年之計莫在樹木終
身之計莫在樹人瓜瓠葷菜不備國之貧也

莊子曰惠子曰瓠王貽我大瓠之種我樹之而成實

五石以盛水漿其堅不能自舉剖之以為剖郭洛無所容非不大也吾為其無用剖之莊子曰夫子固拙於用大也

新序曰魏文侯見箕李牆壞不治問其故曰不時也又進瓠羹

文侯曰牆壞不築教我無奪民農功貽我瓠羹教我無多百姓

嶺南異物志曰儋崖種瓠成實率皆石餘太平御覽儋崖種瓠成實率皆石餘芥高者亦五六尺子大如

雞卵酉陽雜俎以上太平廣記

似匏而圜曰壺壺圜器也故謂之壺亦曰壺盧古今註曰壺盧瓠之無柄者也玄蜂若壺蓋取諸此壺性善浮要之可以涉水南人謂之要舟鶻冠子曰賤生於無所用中流失舩一壺千金以此故也宋陸佃瓠狀要類於首尾類於要微銳綠蔓而生上同

葫蘆照水種自正宋蘇軾物類相感志晒葫蘆乾以藁木湯洗過不引繩子上同

有天生一寸小葫蘆用以綴為衣紐又可懸於念珠

有物外風致若用杖頭挂帶盛藥二三寸葫蘆亦妙
其長腰鷺鷥葫蘆可懸藥籃左畔右可為鷺鷥吸飲
小匾葫蘆可為冠及瓢俱以生相周匝摸弄精神無
汗氣方妙宋趙希鵠洞天清錄
機謹按陳眉公秘笈東海屠隆考槃餘事左畔右
之右作又

有瘦瓢其形如芝如瓠者山人携以飲泉大不過四
五寸而小者半之惟以水磨其中布擦其外光彩如
漆明亮燭人雖水濕不變塵污不染庶入精鑿有小

匾葫蘆可作瓢須摸弄瑩潔方妙同上

機謹按陳眉公秘笈東海屠隆考槃餘事文同

瓠瓠之甘者詩甘瓠累之古者王政瓜瓠果菘殖於
疆場正月可種瓠六月可畜瓠八月可斷瓠作菹詩
云斷壺瓠中白膚所謂張蒼肥白如瓠者也可以飼
豕致肥其瓣可以作燭致明其葉又可為菜詩所謂
幡幡瓠菜采之亨之是也然與瓠不異但當以大小
長短甘苦為間爾然古今亦通言惠子稱魏王貽我
大瓠之種世有種大瓠法鑿坎方廣四五尺先糞其

地及生擇取四本每兩本相近處各以竹刮去半皮併而封之俟其活除去一穗又復取此兩大本相併復去一穗如前法蓋四本同發一穗自然易大及著子獨留兩枚如此則一斗之種變為一石此魏惠王大瓠法也周禮鬯人榮門用瓢齋注謂取甘瓠割去穢以齊為尊○宋羅願爾雅翼瓠少味無韻葷素俱不相宜俗呼淨街槌宋陶穀錄藍田玉漢地理志藍田出美玉魏李預每羨古人餐玉之法乃往藍田果得美玉預率采治為屑服餌而不絕酒色偶疾篤謂妻子曰服玉必屏居山林擯棄

嗜欲當大有神效而酒色不絕自致于死非玉過也要之長生之法能清心戒慾雖不服玉亦可矣今法用瓠一二枚去皮毛截作二寸方片爛蒸以餐之不可煩燒鍊之功但除一切煩惱思想久而自然神清氣爽較之前法差勝矣故名法製藍田玉宋林洪山家清供賈翬以瓠匏接河源水經宿器中色赤如絳以釀酒芳味世中所絕宋虞悅食珍錄○說郛葫蘆笙潘安仁笙賦曲沃懸匏汶陽匏篠皆笙之材蠻所吹葫蘆笙亦匏匏餘意但列管六與說文十三

無物類彙編 卷二 葫蘆屬 壺盧 七

黃不同耳名葫蘆笙 宋朱輔溪
蠻叢笑

種大葫蘆法○正月中掘地作坑方四五尺深如之
實填油麻菜豆蕪草等一重糞土一重草如此
四五重向上一尺餘着糞土十餘顆子待生後揀取
四莖肥好者丹兩莖相縛着一處以竹刀子刮去半
皮以物纏之以牛糞黃泥封之一如接樹法裹之待
相着活後各除一頭又取此兩莖相着如前法治之
待得活後惟留一莖四莖合為一本待着子揀取兩
個周正好大者餘旋除之如此舊是一土種可容一

碩也若為器以模盛之隨人所好 居家
必用

葫蘆匏也一名藤姑蔓生莖長須架起則結實圓正
亦有就地生者大小數種有大如盆盎者有小如拳
者有柄長數尺者有中作亞腰者莖韌有絲如筋葉
圓有小白毛面青背白開白花有甘苦二種甘者性
冷無毒利水道止消渴苦者有毒不可食惟可佩以
渡水陸農師曰項短大腹曰瓠細而合上曰匏似匏
而肥圓者曰壺 明王蓋臣
群芳譜
葫蘆冬瓜茄瓠瓠子黃瓜菜瓜俱宜天晴日中下種

每晨以清糞水澆之。二月下旬栽。則五月中旬結實。若三月種則太遲矣。種法正月預以糞和灰土實填作一坑。候土發過熱。篩過以盆盛土。種諸子。常洒水。日晒暖夜收暖處。候生甲時分種于肥地。常以清糞水澆。上用低柵蓋之。待長帶土移栽。俟引蔓結子。子外之條掐去之。凡留子初生二三子不佳。取第四五者留之。每科留三枚。即足餘旋食之。同上長頭葫蘆如前法。如欲將長頭打結。待葫蘆生成趁嫩時。將其根下土控去一邊。却輕劈開根頭。插入巴

豆肉一粒在根裡。仍將土覆其根。俟二三日通根。藤葉但與蔽。欲死却任意將葫蘆結成。或絛環等式。仍取去根中巴豆。照舊培澆。過數日復鮮如故。俟老收之。同上瓠之為物也。累然而生。食之無窮。烹飪咸宜。最為佳蔬。種得其法。則其實碩大小之為瓠。杓大之為盆。盎盧瓠可以喂猪。犀瓣可以灌燭。舉無棄材。濟世之功大矣。王氏農書
○同上冬至日取葫蘆盛葱根莖汁埋于庭中。夏至發開盡

為水以漬金玉銀石各三分自消曝乾如飴可休
糧久服神仙名曰金液漿千金月令
○同上

盆種小葫蘆以葫蘆秧種小盆得土甚淺至秋結子

形僅寸許擇其周正者止留一枚垂挂可觀霜後收

乾佩帶用為披風鈕子有物外風致但難於成功亦

難美好為可恨也明古杭高濂
遵生八牋

元日四更時取葫蘆藤煎湯浴小兒終身不出痘瘡

其藤須在八九月收藏又云在除夕葫蘆煎湯亦可

同上

種大葫蘆先春以肥糞壤土堆疊尺厚將大葫蘆子

種入土內相去三四寸埋一二粒待苗長三五尺時

內選本粗一株作主次將傍株去皮一片兩株結縛

着就花法以泥塗封稍長去其一苗留本又將傍株

再就以三根株并作一株延蔓則三本之力歸一苗

矣其結實成形又悉刪去衆多止留壯者一枚至秋

成實大比尋常數倍用作酒尊携帶山遊誠物外清

品宜多種之擇其形似完整可用同上

瓠爾雅曰瓠棲瓣衛詩曰匏有苦葉毛匏謂
之瓠爾風曰

庶物類考卷之二

去其毛不復長且厚八月微霜下收取掘地深一丈
薦以藁四邊各厚一尺以竇置孔中令底下向瓢一
行覆上土厚二尺二十日出黃色好破以為瓢其中
白膚以養豬致肥其辦以作燭致明一本三竇一區
十二竇一畝得二千八百八十竇十畝凡得五萬七
千六百瓢瓢直十錢并直五十七萬六千文用蠶矢
二百石牛耕功力直二萬六千文餘有五十五萬肥
豬明燭利在其外同上
又曰區種瓢法收種子須大者若先受一斗者得收

一石受一石者得收十石先掘地作坑方圓深各三
尺用蠶沙與土相和令中半若無蠶沙生牛糞亦得著坑中足
躡令堅以水沃之候水盡即下瓢子十顆復以前糞
覆之既生長二尺餘便總聚十莖一處以布纏之五
寸許復用泥泥之不過數日纏處便合為一莖留強
者餘悉掐去引蔓結子子外之條亦掐去之勿令蔓
延留子法初生二三子不佳去之取第四五六區留
三子即足旱時須澆之坑畔周匝小渠子深四五寸
以水停之令其遙潤不得坑中下水玄扈先生曰不
論草木本凡根

庶物類考卷之二

蘇屬壺盧

十二

株大者俱宜遙肥遙潤。○同上

農桑通訣曰凡種瓠如瓜法蔓長則作架引之上同四時類要云種大葫蘆二月初掘地作坑方四五尺深亦如之實填油麻菜豆蕪及爛草等一重糞土一重草如此四五重向上尺餘著糞土種十來顆子待生後揀取四莖肥好者每兩莖肥好者相貼著相貼處以竹刀子刮去半皮以刮處相貼用麻皮纏縛定黃泥封裹一如接樹之法待相著活後各除一頭又取所活兩莖准前刮去皮相著一如前法待活後唯

留一莖四莖合為一本待著子揀取兩個周正好大者餘者旋旋除去食之如此一斗種可變為盛一石又曰凡收種于九月黃熟時摘取劈開水淘洗去浮者曝乾至春二月種如葵法常澆潤之早即乾死俟著四五葉高可五寸許帶土移栽之上同

壺酒器也盧飲器也此物各象其形又可為酒飯之器因以名之俗作葫蘆者非矣葫乃蒜名蘆乃葦屬也其圓者曰匏亦曰瓢因其可以浮水如泡如漂也凡瓠屬皆得稱瓜故曰瓠瓜匏瓜古人壺瓠匏三名

皆可通稱初無分別故孫愐唐韻云瓠音壺又音護
瓠瓠瓢也陶隱居本草作瓠瓠云是瓠類也許慎說
文云瓠匏也又云瓢瓠也匏大腹瓠也陸璣詩疏云
壺瓠也又云匏瓠也莊子云有五石之瓠諸書所言
其字皆當與壺同音而後世以長如越瓜首尾如一
者為瓠音護瓠之一頭有腹長柄者為懸瓠無柄而
圓大形扁者為匏匏之有短柄大腹者為壺壺之細
腰者為蒲蘆各各分色迥異於古以今參詳其形狀
雖各不同而苗葉皮子性味則一故茲不復分條焉

懸瓠今人所謂茶酒瓢者是也蒲蘆今之藥壺盧是
也郭義恭廣志謂之約腹壺以其腹有約束也亦有

大小二種也 明李東璧
本草綱目

長瓠懸瓠壺盧匏瓜蒲蘆名狀不一其實一類各色
也處處有之但有遲早之殊陶氏言瓠與冬瓜氣類
同葷蘊氏言瓠與瓠瓠全非類例皆未可憑數種並
以正二月下種生苗引蔓延綠其葉似冬瓜葉而稍
圓有柔毛嫩時可食故詩云幡幡瓠葉采之烹之五
六月開白花結實白色大小長短各有種色瓠中之

子齒列而長謂之瓠犀竊謂壺匏之屬既可烹曬又可為器大者可為甕盎小者可為瓢樽為要舟可以浮水為笙可以奏樂膚瓢可以養豕犀瓣可以澆燭其利博矣同上

壺盧一名瓠瓜一名匏瓜壺酒器也盧飯器也此物各象其形又可為酒飯之器因以名之俗作葫蘆者非矣葫乃蒜名蘆乃葦屬也其圓者曰匏亦曰瓢因其可以浮水如泡如漂也凡蘆屬皆得稱瓜故曰瓠古人壺匏三名皆可通稱初無分別○李時珍曰壺

盧以正二月下種生苗引蔓延綠其葉似冬瓜葉而稍團有柔毛嫩時可食故詩云幡幡瓠葉采之烹之五六月開白花結實白色大小長短各有種色瓢中之子齒列而長謂之瓠犀竊謂壺匏之屬既可烹曬又可為器大者可為甕盎小者可為瓢樽為要舟可以浮水為笙可以奏樂膚瓢可以養豕犀瓣可以澆燭其利博矣明李東璧食物本草

葫蘆種盆內至秋結子形僅寸許擇其周正者止留一枝霜後收為披風鈕子有物外韻明吳從先玉緣督契雲館廣清


紀

瓠即葫蘆詩經曰幡幡瓠葉采之烹之月令仲冬行
秋令則瓜瓠不成莊子魏王遺我大瓠之種註言護
落無所不容也昔齊惠王有五石之瓠卞彬好飲酒
以壺瓠杭皮為殼委齋百卉志曰匏亦瓜也一曰匏
蔓葉大盈尺實青白色大尺圍長二尺許有毛本草
云瓠味苦寒有毒主面目四肢浮腫下水多食令人
吐葫蘆味甘平無毒主消水腫益氣則瓠與葫蘆實
有別今吳中皆呼為葫蘆唯圓扁如石鼓者名盒盤

葫蘆上細下墜者名長柄葫蘆上尖中細下圓如兩
截者名摘頸葫蘆又名藥葫蘆各種俱大小不一種
法掘坑深五尺許以麻油及爛草糞填底令各一重
揀子十顆種著糞上待至蔓長作架引之揀取強者
兩莖相貼用麻纏合各除一頭莖既相著如前再貼
如是數次併為一稜結子之後復揀留一大者別有
界瓢法研碎芥辣以筆畫之其處不長儼如刻成此
細頸者用之欲令柄曲切開藤根嵌巴豆肉一粒在
內兩三日後其葉盡癩瓢亦柔軟隨意挽結作巧以

線縛定取出已豆隨即甦活遂成結瓢此長柄者用之或將瓢子種傍雞冠兩邊去皮合繫一塊待長切斷瓢根令托雞冠結瓢紅色謂之仙瓢圓扁者嫩可作羹或刻取其絲隨圓旋轉相續不斷曬乾和雞肉煮更有風味摘頸者不可食吳郡周文華致富全書匏子瓜類也大而扁者可食小而長作細腰者可既種類頗多偶得佳者不啻珍品瓠子匏類也形稍長銳上豐下味似勝之唐鄭珣瑜所謂亦去毛爛黃熟拗折須此物也明王敬美學圃雜疏

種大葫蘆二月初掘地作坑方四五尺深亦如之實填油麻菜豆蕪稽同及爛草等一重糞土一重草如此四五重向上尺餘着糞土種十來顆子待生後揀取四莖肥好者每兩莖肥好者相貼着相貼處以竹刀子刮去半皮以刮處相貼用麻皮纏縛定黃泥封裹一如接樹之法待相着活後各除一頭又取所活兩莖准前刮去皮相著一如前法待活後唯留一莖四莖合為一本待著了揀取兩箇周正好大者餘者旋旋除去食之如此一斛種可變為盛一石物文如莊



子魏惠王大瓠之法命宗本種蔬 疏居家必備

格物總論一種葫蘆樣皆中有瓢瓢中子不計其數

合壁 事類

格物總論瓠亦瓜也一曰匏藤生數種葉大盈尺實

青白色大尺圍長二尺許有毛同上

晉公遺語唐世風俗貴重葫蘆醬明彭大翼 山堂肆考

一法七八月間收葫蘆蔓連根留置十二月三十夜

取蔓絲煎湯浴兒終身不發痘疹明汪機痘 治理辨

短頸大腹者曰匏可以為笙故八音有匏葫蘆夏秋

間熟形圓性味與瓠子相類盧懷慎為相詐儉召客

食曰爛蒸去毛莫拗折項客疑鵝鴨已而下粟米飯

一器胡盧一枚而已又曰壺盧性善浮水故曰中流

失船一壺千金蒲盧其細腰者故細腰土蜂亦謂之

蒲盧明范泓本 典籍便覽

瓠又名瓠子苦者氣寒有毒甜者性冷無毒皆夏熟

形長尺餘兩頭相似者是也張蒼如瓠蒼身長大肥

白如瓠牛角瓠嫩瓠也同上

唐盧懷慎為相清儉召客食戒爛蒸去毛莫拗折項

客疑是我鸞鴨已而下粟米飯一器及蒸葫蘆一技耳

盧氏雜錄 明鄒善長彙苑詳註

庭州灞水在大荒之外以金鐵承之皆漏惟角與瓠

葉則否拘夷山中有流水亦如之 明陳繼儒偃曝談餘

莊子惠子謂莊子曰魏王貽我大瓠之種我樹之成

而實五石以盛水漿其堅不能自舉也剖之以為瓢

則瓠落無所容非不鳴然大也吾為其無用而掊之

莊子曰夫子固拙于用大矣子有五石之瓠何不慮

以為大樽而浮乎江湖而憂其瓠落無所容則夫子

猶有蓬之心也夫 呂氏春秋白圭謂魏王曰市丘

之鼎以烹雞多泊之則淡而不可食少泊之則焦而

不熟然而視之螭焉美無所可用惠子之言有似於

此

韓子齊有居士田仲者宋人屈穀見之曰穀聞先生

之義不恃仰人而食今穀有樹瓠之道堅如石厚而

無竅獻之仲曰夫瓠所貴者謂其可以盛也今厚而

無竅則不可剖以盛物而任重如堅石則不可以剖

而以斟吾無以瓠為也曰然穀將以欲棄之今田仲

不恃仰人而食亦無益人之國亦堅瓠之類也以上明陳

禹謨駢志

種葫蘆王瓜菜瓜冬瓜茄子宜暗日種之每日早以

少糞水澆灌二月下旬栽五月中旬結實若三月種

之已遲居家必用○明盧幹月令通攷

觚菰蘆蘆也○子虛賦萬藕觚蘆注扈魯也智以觚

蘆即菰蘆今史記本作菰蘆矣言菰茭蘆筍皆可食

者也孔明曰東吳菰蘆中乃有此人言菰蒲蘆葦間

也扈魯則壺蘆矣古人壺匏瓠皆通南史文伯留瓠

瓠扁鵲鏡經瓠瓠瓢也陶隱居作瓠瓠長柄為懸瓠

故今人呼茶酒瓢為懸瓠音轉蒲蘆今即以藥壺蘆

為蒲蘆蒲蘆土蜂也其腰約故象之陳善捫虱新話

亦以匏瓠蘆蒲蘆為一類成式續集儋產瓠可受石

餘清方以智通雅

瓠洪吾切音湖瓜類分甘苦二種甘者大苦者小詩

小雅南有樛木甘瓠累之陶弘景曰瓠或有苦者味

如膽不可食非別生一種也又姓周瓠巴又莊子逍

遙篇惠子謂莊子曰魏王貽我大瓠之種樹之成而

實五石以盛水漿其堅不能自舉也剖之為瓢則瓠
落無所容又器名尾為之爾雅康瓠謂之甌又瓠子
河名史漢武元光三年夏河水復決濮陽瓠子久不
塞元封二年帝自臨決河令群臣負薪填之作瓠子
歌二篇又暮韻音互義同通作壺又陸佃埤雅長而
瘦上曰匏大腹短頸曰瓠瓠性甘瓠性苦故詩曰匏
有苦葉左傳叔向曰苦匏不材于人共濟而已後人
皆合瓠瓠為一據此說說大瓠匏也陸璣詩疏匏瓠
也並非又瓠有平去二音孫愐唐韻一音壺一音護

義同非康瓠必讀若湖瓜瓠必讀若互舊註音湖器
也音互匏也亦非又漢地理志有瓠譙無瓠譙舊註
沿韻會遇韻瓠地名瓠丘瓠譙並晉地尤非又說文
瓜瓠分部瓠從瓜夸聲凡瓠之屬皆從瓠秋所收止
瓠字并歸瓜部可也

清廖文英
正字通

瓠一名壺盧本作盧俗作瓠瓠壺酒器盧飯器瓠各
象其形又可為酒飯器因以為名壺盧即瓠也俗謔
為葫蘆非葫蒜名蘆葦屬也

同上

瓠江南生只一味甜者形長一二尺首尾相等未見

有苦者陶弘景曰忽有味苦如膽非別生一種也別錄云苦瓠生晉地想亦地產之不同耳時珍曰詩云瓠生苦葉國語云苦瓠不材於人共濟而已皆指苦壺而言即苦瓠也以余考之壺盧有甜苦兩種瓠只甜者一種而已所云苦瓠必是苦壺盧而釋名又曰苦瓠又曰苦壺盧即圓矮如西瓜者是也長者俱是甜味不聞入藥只堪充蔬甜壺盧亦只充蔬瓠子即甜壺盧也種茶又云瓠瓠味苦另有此種江南無此種亦無人識

清何培元本草綱目類纂必讀

